

國
朝
文
錄

彭躬庵文錄引

易堂九子名重天下最著者爲魏冰叔彭躬庵邱邦士魏集初出
時家絃戶誦羣詫爲北宋後得未曾有習久生厭或以爲過於粗
豪或以爲策士之文或以爲機變之巧甚至目之爲陋嗚呼天下
太平既久人皆束於法令綦養於富貴科名經濟有用之書可不
必讀有志者鑽研經義自首於訓詁叢碎之中沒不得出聞有傑
然爲古文者又轉轉相變求勝前人或飭澹以爲老成或幽渺以
爲奇崛號爲實事求是旣塞滯而不得通求生面別開又枯瘠而
不甚達魏集廢棄勢固其宜况躬庵之人之文爲冰叔之所畏者

更誰理其緒言讀其遺集譬之遊閒公子習於池館之娛安於魚
鳥之逸一旦見江河洶湧虎豹騰躍自不覺變色却步畏避而不
欲觀又如世祿子弟久不聞父師之教訓一旦典刑在前箴規在
側如芒刺之負背如氈鍼之著身有不拔而去之者必非人也嗚
呼魏集既不願讀况能讀躬庵文哉雖然文章之在天地以萬古
爲旦暮者也有不必讀躬庵文之時有必須讀躬庵文之時且誠
細讀一過則亦無時不宜者也特其文過於發皇不甚錙鍊且純
用本色有不盡雅馴者耳予故酌錄爲二卷而略論其概如右躬
庵學宗陽明而以念庵救其流弊其立言大旨主於講求實用以

救下之虛而到處訪求人才造就人才以積天下之命明代儒者
專談性命故其病在虛近代士講經學似乎實矣而破碎支離猶
之於用無當亦恐不足以續天下之命也他日尚當求邦士全集
而細讀之上高李祖陶撰

恥躬堂文錄目錄

卷一

復宋未有書

與甘健齋書

復甘健齋書

與方素北書

與魏冰叔書

與傅度山兵科書

內省齋文集序

巖野集序

卷二

方輿紀要序

讀書簡要說序

魏興士文集序

魏和公南海西秦詩序

黃維緝進士五十序

首山濯樓記

九牛壩觀角觝戲記

書歐陽子十交贊後

甘衷素字說

恥躬堂文錄卷一

南昌彭士望躬庵著

後學上高李祖陶

高安汪錫金

○復宋未有書

任生歸且悉手教知先生畢力從事於道且若以不肖弟爲有知者虛已下詢感愧并集此事非堅挺沉毅之士不克負荷茲屬之先生誠斯世之幸辱在心膺何快如之今天下嚮往於此者閒亦有人卒不免爲佛老之歸許吳之徑竇其僞雜不必言矣顧其上節義之我未忘以一行一操爲至足聞先儒謂諸葛韓范司馬文

山有不著不察之病。輒搖手相怪。又上則覩聖賢之門牆。惟主先
入未實體於瞬存息養之功。以窮究夫此心動靜變化之妙。以字
面爲同異辨議爲防閑爲幾微之已所蔽。遂無以見天地之大品。
物之殊古聖賢之純備。居敬則訾議良知主靜或偏遺格致聚訟
紛紜。至今不決。不知先儒所爲立此法程者。不過入德之門。其神
而明之觸類而長之。則有在於徙義遷善深造自得。非言說所能
盡。亦非師資可得而助。顏氏之所謂竭才未由其概也。前奉教謂
良知不過是非之心。乃四端之一。未可以日光爲天而念庵以打
坐爲撒手法。覺此心超然居萬物先。則又似鏡光之於日月。愚於

道毫無所窺。作輟自棄。敢復置辨。竊嘗從陽明念庵二先生之書。以仰邇周程朱陸諸先生之學。其源蓋無不同者。其有不同。僅僅途之跡。或以舟。或以車。或以馬。或步。並達於所詣之地。辟之名物。同此物也。其五方之鄉音。何可得而強同。今不問取物之得與不得。而徒欲強鄉音之必不可同者。而使之同。則夫子亦何取於語上語下之殊。互異於問仁之告。箕範亦何有於剛柔之克。而濂溪得無過爲剛柔善惡中之分別也哉。且道亘萬古而無弊。時日異而相新。法亦必因時而互救。故易有先後天不同其用者矣。伏羲之所不言。文王言之。周公之所不言。孔子言之。歷漢而宋。而關京言

之堯夫言之季通言之朱程言之者矣。而況於氣秉之質習。或受於天。或受於地。或受於家。或受於游處。聞見倍蓰而不可詰。自思孟而下。思有以反之。自不無挂漏相倚爲虛實之病。朱陸薛王共○八○字○精○括○輔車也。互藥病也。其意主於車之行。病之去。至於心手兩忘。元氣充復。視輔與藥亦不過一時之用。其不爲堯存。不爲桀亡者。則青田原無陸子。靜新安原無朱晦翁。此誠有見於其大者也。其或不得已而有言。不無動於色與氣。則亦諸賢我執未忘。充養之未盡。彼濂溪之於清獻。明道之於介甫。陽明晚年之於憲庵。張桂豈復云然。令必標榜爲名。立異爭勝。以自峻其門庭。此小夫僉人之陋。

稍真實爲己者。尙恥不爲。而謂諸賢爲之。必不然矣。手教又疑謂
無中生有。心卽理也。謂無善無惡。心之體。謂窮理之要。曰無欲。謂
窮欲之盡。曰只心有所向。便是欲。似乎以無心無意無知。光盪盪
地。爲天理極則。不獨龍溪躍冶云。龍溪之罪。已詳復約齋書中。及
愚所載日記。不更贅。夫無欲。周子之言也。只有所向。便是欲。明道
之言。無中。含有。朱先生亦嘗言之也。橫渠云。性無爲。心有覺。心能
盡性。性不能檢心。又曰。心統性情。卽所謂心卽理也。其謂無善無
惡之體。蓋曰。無有作好。無有作惡。不動於氣。是謂至善。已載之傳
習錄。極其條晰。無善卽至善也。此陽明集先儒之言。證之。非一己

此○下○一○解○釋○明○白

臆說卽愚所謂不必強求於鄉音而物無不同者也。必以是而疑之。則夫子無知空空而竭兩端亦無中生有法。中庸聲臭且無何有善惡形色天性與心卽理也。又奚以異窮理至無欲斯極則矣。只心有所向便是欲。正與大學有所之所而辟互相發明。乃精擇之。至纖惡不容非謂欲仁亦有所不許也。陽明良知從萬死一生得來。念庵表之曰。世間那有現成良知。又曰。學者多率意任情。以爲良知。於仔細曲盡處略不照管。不知心感事而爲物感之之中須委曲盡道。乃爲格物。又曰。今言良知者。一切以知覺簸弄。終日精神隨知流轉。無復有凝聚純一之時。此豈所謂不失赤子之心。

者乎。又曰：無所存而自不忘。一句說得太早。此最是毒藥。執之則生機拂。一句甚是。但容易爲人開手。千古未有開手。聖人懸崖撒手。莊子有此言。吾儒方妄引自解。今有人到懸崖上撒手者否乎。何獨在平時說撒手事。以弟所聞於念庵者。略節如此。舉之更僕不能盡。乃知良知全在於致。不致便非良知。致知之功久而後成。非得少爲足。念庵所爲。曉曉犯龍溪輩之難。正以救現在良知之弊。其所爲打坐爲主靜歸寂。豈比於枯禪入定斷滅者乎。且龍溪之弊。隨知流轉。全在於動。故念庵救之以靜。而其所謂主靜者。乃無對之靜。非動靜之靜。周子亦嘗言之矣。何獨於念庵而疑之。蓋

中庸之獨之未發之不梟不開與濂溪念庵之靜皆指一物特字而之異苟不實從事於戒懼於慎絕利一原多歷年所則亦不知一物果爲何物而斤斤於鄉音之同不可得也弟嘗與甘健齋書謂文恭如拳棒場老教師審歷精妙寸寸是打步步是跌卽文成與學者言尙有隱而不發獨此老於學人病痛擢髓搜根毫無諱世而工夫要處隨在拈出從人領受此心可垂萬世乃吾鄉目之爲仙禪外道於陽明則目之爲奸雄爲異教會不細讀兩先生之書以論其世以考其行以求其指歸究竟之所在庶幾遇之將必有從之恐後者矣抱此意六七年同之者僅一確齋向偶言於嘉

未。疑。信。者。半。今。辱。下。問。遂。不。敢。不。竭。其。愚。弟。不。肖。卽。不。獲。以。身。明。
二。先。生。之。教。百。世。而。下。必。有。以。鄙。言。爲。不。謬。者。先。生。其。亦。信。焉。否。
乎。書。不。盡。言。百。惟。亮。察。

躬庵爲學亦主陽明而以念庵救之所以無病此書剖析諦當
其拈出各條尤爲眼明手快予於陽明傳習錄未能讀於念庵
書則篤信之

○○○與甘健齋書

健齋身分。本易堂一席。真好人。程山學道。亦健齋天資爲尤近。其病在聰明活動於人情世故。仍不無周旋。如果堅學道。不宜半上落下。悠悠拖帶。當以聖人爲必可學而至。卽日判斷命根。移入深山。向心性源頭理會。期三年五年之久。基地堅實。度可載物。無少○子○生○平○日○用○此○功○悠○悠○意○意○真○真○實○實○之○言○傳○德○通○州○傾撓。庶幾成一儒者體段。若徒日日記過時時逐事。終身在悔吝補救中過日。將來作何歸宿。雖頗賢於流俗。必不能爲成人。而卒無所得於聖人之道。內無成於身。外無救於世。虛擲此數十年有用之歲月。眞可惜也。且望所謂離境歸靜。非釋氏枯槁寂滅之云。

也有生習氣如麵入油最難拔出其所謂嗜慾見聞精魄偷心嗜
氣氣質知解意見墮地以來填據神奧繭絲牛毛抽剝無盡苟僅
從事於室退隄防如治河從塞下流始工力萬千蟻穴可潰須刻
刻精明心體涵養性真四物六非念念警察如是久之操存日熟
氣習日疏幾幾有已充實之地以之應物鉅細險易紛然雜投循
理動靜恰當天則其微有未當者亦不難爲顏氏不遠之復天下
毀譽天地平成物既自然我無一事如是始謂之學道望昔嘗從
事其間矣今雖廢棄於中境候猶能憶及當靜坐持循時偶然念
起非善非惡是偷心也偷息矣而氣遷非動非靜是游氣也氣斂

此○等○境○候○惟○內○照○者○自○知○之○故

矣。而境觸非理。非欲是物交也。是三者固習之微者也。而天地風
土之雜揉。父母胎孕之偏枯。又有所謂氣質氣質變化如革形體
焉。而工難而倫類好惡之難齊。人情邪正之並立。學問甘苦之異
尚。時世損益之殊宜。又有所謂意見。所謂知解。意見知解之渙釋
如移山海焉。而工又難抑。更須全盛精力。精力不充。則胷中昏暗
無親切之味。且讀書接物。應事語言。過久則此心不覺漸移。氣入
為主。與靜中之軌。則不相肖。苟不培養。而或弛焉。則議論世事之
臧否。飭點他人之過失。搜求前輩先賢之病痛。紛然肆出。而不自
持。比擬聖賢。倣其行跡。虛美嗜好。技能種種。已私隱逗潛躍。居勝

護前喜同嫌異實不得消高不得下此爲好名務外放心已甚何

謂學也健齋真志聖學請自今一概屏絕卽不能矢死入山宜收

拾散漫痛懲紛雜凝然著裏從性體細微澄練纖習不畱於平時

○寶齋師教○子胡楊一○室○正○是○如○此○

所云前日王門今日程門此日蕺湖往年致知中年主敬近年畏

天俱是名目借徑爲古人爭閒氣立塗轍起爭端於自己用力穀

手處全不在此也先日爲令師序頗嘔肝血今更爲健齋剗心瀝

髓竭盡言之天下旣少明眼人又未嘗粗歷境界瞻顧護惜不易

出口令師近爲健齋擁戴微有壇坫習氣此根蔓延發病不小故

望不惜將死之言雷電合作意欲賢師徒通體脫落更進一境屬

家亦不能也

。復甘健齋書

。庭還山再奉教汲汲以道學迂僞伯功假譎爲辨意誠盛惜其
言多郭廓未切要害敢不辭再三之瀆一引伸之望所卑經義氣
節曠達文章之士蓋張禹孔光馬融匡衡杜欽谷永王衍張華謝
朓之流以其外飾修名內耽權勢故極口別白俾後世勿爲虛美
所誤其曹之眞實正直者已無容置議初何嘗一言及道學而又
遂以爲必迂必僞此足下之深文也望讀書向學三十年豈不辨
伯功假譎其所爲激切言之者蓋深有慕於龐德公馬微諸葛
亮徐庶其人躬耕講習少長攜持卒成大業向使士元不死諸葛

久○生○二○老○來○歸○元○直○不○去○曹○操○司○馬○懿○之○徒○必○不○能○據○中○原○而○有○
天○下○望○所○思○伯○功○乃○在○此○輩○管○氏○綜○核○役○身○淫○主○狐○趙○練○達○借○援○
懷○羸○心○且○汙○之○何○况○其○下○足○下○乃○不○察○其○生○平○之○意○惑○於○拘○牽○之○
辭○矜○顧○名○目○較○量○字○面○何○也○古○聖○賢○固○無○不○以○治○功○爲○言○而○言○治○
功○於○今○日○無○論○宋○周○程○明○王○薛○所○未○經○歷○卽○紫○陽○青○田○猶○得○優○游○
冠○帶○垂○紳○坐○理○豈○若○吾○輩○爲○窮○髮○之○民○苟○且○媮○活○心○口○慚○縮○卽○羣○
居○敬○業○亦○惟○日○兢兢○救○過○之○不○暇○如○是○者○數○十○年○一○已○不○得○何○有○
四○海○以○望○視○之○亦○直○坐○靡○歲○月○優○於○恣○情○縱○慾○之○人○而○欲○以○之○植○
宗○社○戡○禍○亂○利○濟○生○民○或○反○不○如○智○能○勇○功○之○效○足○下○平○心○澄○慮○

將數十年事反覆衡絜求所實得誠何如也近夕庭理綴三策望
畢力評史鑑雜見於詩篇書敍狂言建鼓惕號同人非敢謂身遂
能之傳之其徒亦聊以寄其薪盡火傳之意足下學道同體萬物
顧不能爲我相助益張耶又足下引公友之言謂漫天塞地透骨
徹髓皆是功利足下聽其言視其人果不墮功利否三百年喪亾
望毒正坐此輩望腐心疾首是以有僞學之戒學道不成甯謝不
學自名暴棄恥於包裹參和以身謗聖賢不意足下猶鄭重其言
之也且望之所謂聖賢者亦必先從事於嶧山之非以正行非以
干祿非爲生者非以納交非以要譽非以惡聲之實心而隨省察

其安排道理彌縫世故打點人情之細行無之則爲真聖賢有之則爲媚嫉譖諂之根求爲魯樂正之好善秦蹇叔之休休且不可得推索至此乃是舉世賢者真正髓骨病痛吾輩更不必諱言迂偽凡念有一毫心上打不過處卽是偽凡事有一毫世界行不通處卽是迂說在答令師書中烏喙參苓之喻紛紛名字直拘墟也老耆粗率無當有道諸刺諺詳敘勿靳

魏冰叔曰此真俊傑真道學之言是躬庵生平見解獨得力處然必如龐葛而後稱伯功從事六非而後稱道學今世之侈口俊傑托身道學者一時却走殆盡。純王之道行一不義殺一

不辜得天下不爲。後人不能做亦斷做不去。伯者只要成就功名。滅禮犯義。悍然不顧。又吾輩所不肯爲。予嘗謂後人做事。須居王伯之間。蓋王不全底於純。伯不大害於義。方是三代以下。本領今得躬庵以龐葛諸人實之。真開擴萬古之心胃矣。此書此評。竊願天下後世學者。手寫一通。日讀一遍。庶幾真俊傑有其人。真道學亦有其人也。

○與方素北書

比年貴鄉暨我江右老成接踵凋逝兼及強壯尊公之喪尤創巨痛深不特爲做堂知己之感去臘同道兄若老方舟五雲詣連日夜頗竭愚誠蒙道兄不我鄙夷惶恐灘頭黯然握別尙慮望有未盡之言必欲載之尺一令時得展玩如接面談懇款虛懷至三至再道兄第推是心及人毋少少毋賤賤其誰不欲以言進吾前者平今犬馬齒旣已先尊公一飯雖旦暮填溝壑何所畏但生平火傳之志不見白於天下後世并不及見斯世奇偉人以少慰其須臾緩死之意身卽死目不得瞑矧復值道兄營方剛秉異質練

達閎博。晶晶如東方日上。其忍舍而匿其生平所閱歷設施之事。耳目之所覩記。志願之所期。人之情偽。已然之成敗得失。而不剖心以告。於是失人且愈於不仁之甚。而望豈其然哉。道兄其妄聽。

此段所開之惑。

裁擇而進退之。幸甚。望垂髻。卽已知重朋友。不肯作庸俗人。常爲大言橫橫於父執名人之前。無撓懼意。且謂彼貧盛名數十年。其人必有本末。我僅以旬月追隨。究竟之則其人生平之積。豈不在我。恆以是爲得計。卽士之一行一藝足稱者。必禮進之。不敢易嘗。與一老弁遊。值其旅乏資。之數十金。家大人手疏責讓。意益自得。與之登北城樓。問守禦攻戰事。甚備。且及守人矢溺處。弁大笑曰。

君真解人。語之故。時天啓甲乙年也。旣冠。則益以傾家急難。借軀報讎。爲能事。往往與權貴人忤。崇禎間。嘗匿奉旨提參人吳撫跡。至江右。行文達撫。按二藩王。則出其人示來幹。與回文而免之。更使其人爲諸生。資裝入都門。遇赦。一年以武功爲遊擊。其他聞名識面。出之死獄中。或拔之泥塗。因緣成功名。貴顯者不可殫計。戊寅。交歐陽憲。萬始恥任俠。爲狡獪。不復爲益折節。喜朋黨。死直諫。嘗娶楚姬嬖。私謂之曰。吾生平慕楊椒山爲人。汝當效其妻。吾他日爲官。諫天子。拜杖下。詔獄。汝裹飯食予。或刑辟。汝宜上書請吾死。姬許諾。居三月。察其不誠。一日。遂之明年。果扞禦漳海黃先生。

此如○主○處○仲○之○開○闔○故○姬

幾連大獄以宜興相君救得免自是知天下亂益結友言兵事及經濟可實用者爲閣十楹居四方之客清江故人樂平王乾維歐陽憲萬朱中尉之友皆來屬予一身館穀之乙酉同梅惠連六人薦入南都部司索賂同薦人嫚罵之不爲覆督師開府淮南重禮

○奇○策○者○○諱○及○兵○清○君○創○也

幣趨見以奇策進之不能用畱二月竟歸歸與浣湖先生期入贛期失獨身三入梅川最後一見魏冰叔卽以家寄托至今二十七年矣吾兒亦二十有一絕無異冰叔初見時此所謂易堂者也亦嘗居官受命危難之際憑斗大城其民率資釜而立倚檐而炊僅擁羸卒數百人無斗粟一兵相犄救敵不六七十里可介馬不朝

此段所設○施

食縛子去。都不撓怯。脫文法。謹偵探。設反閒。惟一意殫力。民事植胥隸庭下。更代之卯而入。及巳而退。午而入。及申而退。民以訟至者。但擊柝。卽出坐堂。徵其情。曉示所告人。令自至。兩造具卽聽訟。懲無情者。當堂示讞辭以出。或須後。則大書讞辭牌上。令覽省。民從不一識胥隸。面不用一錢米。一月所屬縣獄盡空。僅存一盜犯。令及衙官俱拱手無一事。有市母斃肉者。毆而訟。皆之焉。稍暇卽行市。輿前常令集數百人。問其疾苦。令宜否。弁卒無擾否。安鄉大夫否。鄉市虎食人否。數百人以爲害。卽斃杖下。不爲赦。米價長否。日刮磨而爬梳之。無少閒。民惟恐敵之至。而吾不可以再畱也。則

益。啗。喝。之。不。使。至。此。固。以。民。事。爲。兵。法。迂。闊。無。聊。中。用。之。亦。少。驗。

少。嘗。讀。書。至。生。死。盛。衰。磊。砢。不。平。事。輒。抵。几。痛。哭。愈。疾。讀。聲。淚。溢。

溢。卽。欲。剖。割。無。良。人。雖。死。不。悔。獨。不。喜。章。句。碎。細。比。櫛。甚。或。訛。字。

畫。音。韻。時。有。之。惟。一。覽。見。大。意。可。實。用。輒。欣。然。忘。寢。食。恨。不。及。吾。

身。施。行。之。於。詩。文。絕。不。喜。流。連。光。景。雕。繪。倣。逐。見。古。今。盛。名。人。有。

此。皆。以。爲。賤。語。詳。與。魏。冰。叔。論。侯。朝。宗。文。注。舟。次。論。詩。及。冬。心。詩。

末。篇。中。素。不。嗜。八。股。文。尤。不。欲。以。此。得。士。選。舉。喜。用。漢。法。擬。分。六。

曹。自。縣。郡。司。院。彙。升。試。其。才。以。達。於。部。敘。功。而。後。官。之。民。十。五。課。

經。書。畢。卽。自。占。一。曹。學。專。家。縣。以。其。所。占。學。雜。問。古。今。疑。難。事。數。

十條對高等爲諸生。卽爲縣曹長。其又高者郡試之。如縣法中者。爲郡曹。其又高者津送司院。如郡試爲司院曹長。拔其尤者咨部。廷試之。如鄉試士。其又高者則命以官。官不越所占學。以吏曹起者終身不得言戶兵事。至尙書吏部而止。其異等者加閣銜。仍留部事。翰林屬禮官。兼制誥經筵國史總鎮參遊都守屬兵。必精騎射。通曉用兵方略。布政糧儲則屬戶。兼通算法。按察屬刑。精熟律義。漕運河道水利屬工。務周知水利。有心計巧思。吏則比於周禮冢宰。其官無所不兼。非治行端亮宅心明允。長才練達者弗以居焉。五曹試高等可爲郡縣者。則以入於吏部。吏部曹最優而多。其

尤者甯吏部用次出爲郡。又次爲縣。郡縣司幕官一切報罷。以其祿食六曹。曹長儒冠青袍革帶。許用硃墨坐曹治事。得咎。人民有訟聽分曹趨焉。三年有異績。竟升院部。其中人無害者。則由郡而司。以平序進。書曰。敷奏以言。明試以功。言祇用於縣。郡爲士人進身之階。司院部則必試功而敷奏之。如漢人郎官大夫射策之制。郡縣旣六曹治事。則守令益暇。豫厲精民瘼。令以時行四鄉。察鄉之水旱勤惰。而補助勸懲之。鄉之孝子順孫。友兄弟。義夫貞婦。及士之端敏者。卽身造其廬。同飲食笑言。爲綽楔旌以示勸。反是則書惡於其門屏之。不齒。能悔艾自新。家族人告於鄉。驗實以聞於

令○仍○復○其○身○許○占○曹○學○仕○進○郡○以○時○行○縣○亦○如○之○其○分○司○亦○以○時○
行○郡○如○郡○法○六○曹○庶○事○皆○專○決○以○報○大○事○聞○令○守○裁○決○之○其○舞○文○
受○賕○枉○法○欺○罔○上○官○者○贓○自○二○十○金○以○上○罪○死○藉○其○家○舉○主○連○坐○
雖○赦○不○宥○戊○申○嘗○爲○冬○心○詩○三○十○首○中○有○云○我○有○一○編○書○富○強○有○
明○信○則○西○北○水○利○是○矣○然○非○其○時○行○之○適○爲○民○病○且○終○亦○不○行○故○
又○曰○行○之○非○其○人○重○以○青○苗○困○王○介○甫○爲○令○能○行○於○鄧○縣○爲○宰○相○
不○能○行○於○朝○廷○不○得○其○人○故○也○位○尊○則○諛○者○日○進○學○博○守○正○則○視○
異○已○者○爲○無○能○內○忌○外○諛○堅○癖○自○肆○則○必○不○能○參○異○同○窮○人○情○物○
宜○之○變○鮮○不○仆○矣○滅○有○明○三○百○年○社○稷○人○咸○歸○罪○闔○獻○此○何○足○責○

此段言人情之九痛

赫赫宗周○褒姒滅之○赫赫有明○奄寺滅之也○而奄寺之所以能滅
國者○由於先皇之專任先皇之所以專任奄寺者○由於黨人之不
忠○黨人之不忠○則僞爲之根柢也○此可爲痛哭流涕而繼之以血
者也○隆萬以來○則道學僞啓禎以來○則文章氣節操守僞獨事功
不可僞耳○其有不僞者○則虛美相高○徒慕曾參孝已之行○而無益
於天下安危之大計○輦上倒施用者○不實實者○不用望雖一老生
身遊其間○以熟聞於當世名賢○其所爲訐謔密畫聲震寰區者○適
足博啞然之一笑○點染太平不無氣色○試之盤錯百鈍並見其不
學○無術○緩急無一真實可用之人才○官日益尊○識益日卑○膽日益

薄才日益愚身日益孤計算支吾竟成異物使梁谿高陽定興諸
君子見其人亦惟刻責痛恨自分引決終無救於君國之存亡也
夫是故吾人讀書不在醜博交友不在名譽立身行已不在纂述
技能高言遐慕將反偽而救之實則其對治也孔子曰所求乎朋
友先施之未能夫豈徒殷勤結納往來投贈爲是沾沾翕翕云爾
哉則是先其人品心術而施之以開發其中心思服誠然之至意
吾死而彼必不能以徒生吾賤而彼必不能以徒貴吾饑且寒而
彼必不能以徒衣且食由是與之蹈水火透金石冒白刃而不懼
不避其他日可爲國家受大任爲生民匡大厄必是人也斯隆古

之石交誠曠代而一遇世固未有重其生而足以濟天下事者也。此既不可驟得矣。吾亦隨吾分之所及而致之。其大者爲依歸。其次爲切劘。又次爲薰陶。造就以同歸於實用。天下人才偏小瑕疵。無不可用。惟僞不可用。稍參和卽人已痛絕之以從事於學問。經濟亦必不徒托空言而致詳於時宜。物曲變化損益之所在。起可見之行事。治亂卷舒裕如也。歐陽憲萬常欲行鈔法已勒成一書。想亦有難於言不敢言者思之三十年有幾微未合終不出以示人身死書亦亾去故通儒之識略不希望於速成不遷誘於勢利古今之身死名滅抱奇才而不試者何可勝道則亦惟道兄勉之而已。昔蔡中郎跣迎王仲

宣謂座人曰、此王公孫有異才、吾不如也。吾家文章書籍、當盡與之。邵堯夫見歐陽叔弼徐道其立身本末甚詳、殷勤囑別。後歐陽爲博士、議邵謚、恍然有省。若堯夫自序、不待其家所舉文字、望不揣其固陋、以傾倒極妄言之。或者其有類於是、茶事方起身、雜傭保中、簡料器具、抵隙疾書、語無倫次、有不中、不憚十反、教我幸甚。李元仲曰、纒纒數千言、自敘旁敘已然未然、俱有著落、有受用無一枝言漫語。此百鍊精神、萬丈光芒、斂作此一篇文字、在董賈二策之上。觀者勿爲古人震撼、定謂今人不及也。先生一代奇才、生平思以經濟見用於世、至此老矣、無所用借。

此書敍之以傳示天下後世相其精神氣魄志慮作爲固萬古
不可磨滅者也

○○與魏冰叔書

昨偶憶藏弄集載侯朝宗論詩文書三首。卽取閱鵬興士鈔之。更
硃書反覆玩繹。其言之至者。殆無以易。其與任王谷書中有云。行
文之旨。全在裁制。無論鉅細。皆可驅遣。當其閒漫纖碎處。反宜動
色。而陳鑿鑿。娓娓。使讀者見其關係。尋繹不倦。至大議論。人人能
解者。不過數語。發揮便須控馭。歸於含蓄。若當快意時。聽其縱橫。
必一瀉無復餘地。此最高之論。朝宗學史記寫生得神髓處。全在
於此。壯梅集有二吳徐傳出沒超脫。咸用此法。而愚意則又以
爲未盡然。吾輩今日立言。明悉理事。指陳利弊。將救世覺民之爲。

急故於古今成敗得失邪正是非之際。往復畱連。疾呼痛罵。猶恐
疲癯聾聵之夫。藐然而不一聽。苟僅數語發揮。便歸含蓄。祇可以
動明哲而不可以警天下之庸材。孟子七篇已不同於二論三百。
為風雅之變。必不同於關雎采芣世則有然。文從而變。而作文者
之用心。彌苦彌曲。彌曲彌厲。如天地之噫氣。鬱不獲舒。激為震霆。
所以人不敢言也疑為怪響。動盪摧陷。為水溢山崩。夫豈不欲為卿雲。且日甘雨。融
風勢有所窮。不得已也。即文字寫生處。亦須出之正大。自然最忌
纖佻。甚或詭誣。流為稗官諧史。散鄉徐巨源之江變紀略。王于一
之湯琵琶李一足傳。取炫世目。不慮傷品。其文縱工。未免攜琬殺

陳令升亦賦卷小說家技倆矣

易羊皮終必爲明眼人所厭棄而巨源更顛倒是非羅織口語快其私怨成山翁已痛言之屬其毀去巨源不聽卒死橫折推朝宗開漫織碎動色而陳之書不善用之其流必至爲徐王之失卽朝宗諸小傳亦不免見其疵類蓋文人之文與志士之文本末殊異文人志在希世取名卽深自矜負正其巧於容悅閒或談世務植名教文焉已耳以文非此固不傳也俳優登場摹擬古人俯仰畢肖觀者撫手悲愉遞出及其既過彼我判殊了不相及志士之文如樂出處如蒸成菌有大氣以鼓之一聽其天倪自動其心與力之所至而言至焉其心與力之所不至而言亦至焉其嬉笑怒罵

以至痛哭流涕無不有百折不挫之愚誠貫徹中際其行止出沒
無繁組雕削之勞不知世目非笑之爲非笑此卽立韓歐班史於
其前肖之則賞不肖則隨手刑要亦不能強其所不同以求必肖
況下此區區者乎故言必發於心而文亦必以其實重心與實之
所出斯歷千百世而不磨而天下人得之爲有用此望與叔子日
孳孳焉之而未或至焉者也因朝宗一妄言之

魏冰叔曰此躬庵發抒獨得身自寫照之文然其議論實關至
極浩氣空行萬夫辟易能使死生窮廬志士敗簞廢紙光芒萬
丈矣。此要知是補救侯論偏弊語若大概立論又不如是

與傅度山兵科書

昔范少伯用計然之計。五摧強吳。報會稽之役。乃喟然曰。旣已施之國。吾欲用之家。遂卷懷稱陶朱公。張子孫以畢世。今執事智勇殫施於甲申以前。受知先皇。見能天下。此固已如隔世事。無可言。乙丙以來。爲德鄉黨。戎馬介馳。獨不敢擾雲林一步地。環雲林百里。尙是義皇人物。誰不鼓吹明賜哉。執事爲政於家。旣彰彰如是。方今海宇瘡痍。斯民呻歟。此俱先皇遺種。况執事迫於不得不脂之輶。用家於國。出而圖之。誰不其然。前匆匆江頭款語。謂此出非徒然。必有以慰百穀時雨之望。岱雲沛天。始合膚寸。請自近始。今

江民所最慘毒莫告者豈非盜耶於水於陸於山無地非盜其最
巨測出沒無時流毒肆害田汙萊而人溝壑則又莫若此湖東虞
南數百里之地都網保甲法非不良而當事無遠神又無暇日塵
飯土羹一設不再近省會稍知嚴憚聞一舉行遠者益視爲文具
城市庫獄僅保無虞十里之郊便同秦越兵將捕盜不爲功不捕
亦不爲罪賞罰旣頑弓刀彌鈍甚且怯而縱盜貪而通盜曜而蔽
盜玩而養盜撫而全盜又甚且剽良爲盜剽良婦爲盜妻剽良貲
爲盜積見盜若戚見民若讎兵與盜環相生民與民環相死其勢
不盡驅民爲盜不止所尤憾者才非祖述以南塘一出爲美談與

遜安都。以任榛郡。哨爲豪事。兵非自響。馬營不重。人非自緣。林出不雄。又甚則本未爲盜。或假托以求招撫。連化美官一倡百和。竟成風尚。人亦何憚而不爲哉。執事出請昌言之。凡有司於所轄屬地方獲盜。卽得與徵收及額同考。成上官卽以爲殿。最將兵亦如之。但獲一有賊真盜。卽與錄敘累功。擢用其縱匿交通者。罰無赦。民間保甲籍藏於官。不復察點。但地方有盜。嚴行連坐。保溢多設鼓。盜至鼓鳴。各持械守要害。堵截不如約者。法加倍。今撫之宜樂。古之永豐。旣之南豐。廣昌。贛之寧都。石城。中捐數百里。竟爲甌脫。大盜數千。盤踞出沒。焚殺淫擄。慘動天地。盜南至而兵北行。兵東

來而盜西去。薄伐尾送。越境斯免。今雖無王文成韓襄毅其人。平賊立縣。永絕根株。在當塗亦宜嚴檄責成。鎮將及各縣令清野堅壁。坐困窮追。撫勦隨宜。偵聞並用。其扼要尤在均各縣里道之中。立一鎮將。將兵千餘。行古屯田法。民歸盜降。俱准給復。其貧無貲者。官給半種。三稔始稅。裔土既實。奸自不生。比及三年。可幾殷庶。營兵取之各縣。自食額糧。不必他辦。營房則其地聚族棄屋。頗多可菑葺。居之數年之後。民聚益蕃。田墾益富。守望既強。兵亦可去。此法似亦簡易。顧力行未得其人耳。弟於此天地無寸土。尺宅。其所爲蒿目腐心。嗷嗷請命。誠哀此子。遺瘡痛酷烈。無可告訴。執事

舍已救時。當必引爲切膚剝骨之事。瞿瞿宵旦及寢。及隍。不忍後也。至於荒蕪之重。徵漕糧之倍納。徵收一甲已及乙丙。藉口督催。非刈橫斃。種種苛竄。駭聞執事。目當得之耳目之近。治之神明之表。非樗散所敢贅。今當遠別。弟貧無所將。遠莫能送。惟此區區弋獲。祈執事如富鄭公。活青州四十萬人。勝於作二十四考中。誓令用以酬十日知己之聚。此意或不甚悖古人耳。情慙辭複。幸惟鑒原。主臣不盡。

此先生救時書也。凡遇年歲饑荒盜賊處處竊發。此書可以爲方。

○ 內省齋文集序

崇禎季年，湯佐平先生理揚州，治行爲天下最。乙酉分巡粵東，未滿歲，以內擢行，後退伏垂三十年。舉生平所未竟之志，與其所嘗設施經歷之事，咸載之於書。長公子适爲編次，鏤版吳越間，將有以行遠而傳後。先丙戌，望嘗以職事謁先生於會昌，先生一見，謬期以國士，語連三日夜。庚戌，再遇先生章門，先生手是書授望，且命之曰：子爲我序。望歲暮還山中，讀之，卒業撫而歎曰：嗟乎！先生之不遇時，豈值孝文之歎李都尉哉？方成宏闇，士大夫之言卽其行在輦轂，以及郡邑封疆，則爲真經濟，在野則爲真理學。士少壯

俯首窮經。皆知重廉恥。敦禮誼。循循下學。不敢放言高論。爲侵軼
非常之行。故其時人民和樂。風俗長厚。醇朴之氣。彌漫天下。至隆
萬少衰矣。五十年高拱淵默。上下壅否。蠱孽萌生。而士乃始好奇。
行窺朝廷。李贄何心隱。鄧豁渠輩。爲之倡。奇行者。嫉勢嫉偽之所
從出也。至天啓乃復有奇節烈士。殉名貪夫。殉財交有之。然於國
家本計。不無濟迄。崇禎則益背馳。阻深倏忽。莫可倪控。其人比於
猛獸奇鬼。而其言雖古聖賢。無以過。一時孫高陽相國。鹿太常伯
順梅中丞。長公孫督府。白谷其才皆足勝疆場之任。乃奄豎權輔。
丙外捽奪。必使殺其身而後快。自朴散而爲奇。奇散而爲邪。邪散

而爲僞僞散而爲饑寒饑寒散而爲盜賊庚辰辛巳之間風飈瓦解殆哉岌岌先生於是時始以進士起家佐郡治至今讀其賑粥賑麥靖盜僱舟漕糧改折諸紀事如鄭火旣作子產爲之巡羣屏攝各儆其事列居大道伍列登城明日各保其徵書焚室而寬其征與之材其不憚燎毛髮手足奔而救之力殫矣蔑復加矣使理郡得如先生數十人或先生早嚮用於數十年之前官近要有尺寸之秉盡行其取士用人風俗諸義則民必不至饑寒而盜賊亦無自而起蓋先生長才幹濟而其心自少至老必不肯一日飽食優游無所益於世事其文章亦絕少蹈襲率胷懷盡所欲言而止

情事爽豁。俱有實際。惜其卒無所用於世。徒以是書終耳。若先生道德之言。望何足以知其所至。亦惟取其經術之有裨於世者爲之論定。令天下後世知三百年之治亂盛衰。以學術爲升降而邪僞之生。心害政。遂以亾人國也。因序先生之書。不揣而妄言也。

彭中叔曰。上下數百年大樞紐大關鍵。提挈委源洞若觀火。竟可作國史論斷力並到之文。

內省齋集去歲於省邸得見錄爲三卷。大抵如布帛菽粟之可以暖。可以飽者。以國初文吾鄉錄之大多。故不敢遽列入集。內要其佳處。則此文已爲之道出矣。

○○巖野集序

余嘗讀文信國集。輒累歔泣下。不能卒。非徒惜公之一死也。理宗
淳祐而後。闕廷疆場。宋之人才盡矣。僅一文天祥。爲畫樹國分閫
保境招驅之策。其時尙可有爲。令采而用之。近足以副李綱招撫
河南北之謀。而遠勝於房瑄分建諸王之議。卒之權奸蔽斥。言不
得行。拱手以自沉其國。趙氏三百年之祚。斬焉不復。可不哀耶。宏
光南渡。不及宋高。而一時將相。又不及李宗韓岳馬阮之徒。并不
及秦檜。其公忠憂國。儼非常之人。往往出於草澤。殆不止一陳
亮時。則有嶺南陳先生。以諸生上中興政要書。近二萬言。爲綱有

入目三十有二。包大學衍義一書而簡鍊其精要。其於恢復大計。討賊講北兵餉戰守之機宜方略。皆鑒鑒可見。行事粹然儒者有用之言。亮臨安之書。未有或先之者也。書上報聞。而先生歸。而南都竟陷。嗚呼。明之南不及宋之南。其事非一端也。矣。先生殉難。二十九年。余始得與先生子恭尹爲兄弟交。恭尹出先生文集屬余序。集中首載是書。余乃得卒讀。追論其事。閩粵當丙戌丁亥之際。先生將自行其言。始則爲庸闇人所紿。以全粵束手。送之他人。既而同義失期。先發竟忘。軍號空殺將士。洩奇計以資敵。先生是時奮臂獨拍。召集十萬師。屢挫強敵。敗而起。起而復戰。與張文烈。

余序集中首載是書。余乃得卒讀。迨論其事。聞粵當丙戌丁亥之

二十九年余始得與先生子恭尹爲兄弟交恭尹出先生文集屬
略東、顏、起、淮、最○好、是、一、篇、陽、鍾、
以下皆敘事却

南都竟陷嗚呼明之南不及宋之南其事非一端也吳先生殉難

用之言亮臨安之書未有或先之者也書上報聞而先生歸歸而

討賊講北兵餉戰守之機宜方略皆盤壘可見行事粹然儒者有

八目三十有一包大學衍義書而簡鍊其精要其於恢復大計

THE

相○爲○犄○角○牽○制○使○不○得○西○而○李○成○棟○精○銳○略○盡○是○以○有○戊○子○皈○正○
之○事○敵○常○招○降○先○生○判○書○尾○任○殺○一○妾○三○子○不○爲○動○而○卒○轡○磔○其○
身○從○容○賦○詩○西○向○受○刃○以○遂○其○出○來○報○國○之○志○嗚○呼○信○國○之○烈○亦○
○以○上○○○○○○○○○○○○○○○
○以○下○○○○○○○○○○○○○○○

豈復有過之者哉先隆武初元先生在粵與鄉試內閣蘇觀生疏
呈政要書思文歎爲奇才勅授推官除官命甫下榜發中乙酉鄉
試第七人冠帶赴宴觀者異之俄陞職方主事命監狼粵兵援贛
未至贛陷先生同觀生在南安以奇策進之不省乃命先生奉箋
詣永明王勸進而觀生復擁立紹武先生前後遺書陳大義以利
害曉之不聽敵隨至遂陷全粵而觀生亦死先生與陳文忠子壯

○應庸閣人所結

爲○師○生○粵○陷○避○地○遇○山○中○慟○哭○起○兵○爲○畫○策○與○文○忠○水○陸○分○道○攻○
廣○州○先○生○已○暗○約○城○中○二○豪○率○三○千○人○爲○內○應○期○七○月○七○日○內○外○
俱○起○且○密○報○文○忠○曰○是○夕○成○棟○必○遭○吾○火○懼○餘○舟○奔○哭○請○嚴○陣○待○
之○青○旗○而○朱○旂○者○我○師○也○文○忠○未○卽○諭○諸○將○遽○先○發○成○棟○回○至○禺○
珠○果○被○火○趨○城○城○上○鼓○譟○應○之○文○忠○兵○懼○望○後○來○帆○檣○忘○認○旗○色○
竟○不○知○爲○先○生○軍○也○遂○大○潰○謀○洩○二○豪○死○之○殺○三○千○人○夫○使○發○不○
先○期○嚴○陣○待○舟○至○水○陸○並○進○內○外○夾○擊○則○廣○州○可○復○此○何○等○事○而○
誤○且○忘○之○雖○終○一○死○曾○何○益○於○國○計○又○嘗○戰○清○遠○先○生○縱○火○焚○敵○
舟○已○敗○走○天○忽○反○風○我○舟○被○焚○敵○復○勝○而○事○益○不○可○爲○矣○先○生○嘗○

○發○一○段○更○見○精○采○

○應○洩○奇○計○殺○壯○士○

應○同○義○失○期○

○應○忘○軍○號○

○又○說○

與張文烈家玉書曰。自正月來。崎嶇山海間。以蘇張之舌行申胥之心。國家威德在人。一呼而十萬可集。獨無米之炊。難爲巧耳。然弟自料已決成不成。天也。敵不敵勢也。方今主上殷憂王師。風鶴若得牽掣敵騎。使數月無西。則滄梧之間。可以完葺。是我不收功於東。而收功於西也。嗚呼。先生之心苦矣。先生少時慷慨有大志。長負重名。從學者千人。省郡有大事疑難。當途集紳士聚議。不能決。先生數言解之。人人意愜。生平所著書。恥以空言工文辭取悅世目。意惟主於實用。年甫踰十歲。成一冊帙。二寸凡詩文書牘時要書所以全之。故完序集意。

一存者中興政要書及南土諸詩會版行以是全餘俱恭尹就故
備書人得少許落葉及箋扇閒詩葺成之先生頎幹美髭髯顴起
日能與日敵踰時不眩刑時監者取視其肝肝飛著其面驚病竟
死醫歐陽生出言之先生名邦彥字會份順德人遷居龍巖學者
稱巖野先生云

魏冰叔曰議論敘事錯出法度肅穆嚴謹而風裁朗烈煥發寫
巖野先生一生精神心事騰躍而出百世下猶將見之雖史歐
不過是矣

聰躬堂文錄卷二

南昌彭士望躬庵著

後學上高李祖陶欽之評點

高安汪錫金邇齋校刊

方輿紀要序

讀古今上下數千百年之書以自成一書兼括數千百年之上使
數千百年下之人不能不讀此其志豈文人經生之所能及者哉
而成是書者則有數難識難朗而精資難敏而斷制嚴而難確
心胷闊而難細此難之在已者也其待資於外者博考難於書明
辨難於友取給繁費難於暇遊涉方域難於遲爲尤難焉夫使其

書爲懸解冥悟綜核事理殫一夫之精力雖極窮困無聊時猶或
可以坐致惟撰述方輿之書則高山大川之寥闊瀆壑邱陵之瑣
細古今名號之建置不一崩築疏鑿之因創損益各異或僞設而
名存或陵谷變遷而實沒舟車之所不通人力之所罕至容並有
之而是人則踽踽窮餓妻子不恤獨身閉一室之中心周行大地
九萬里之內外別白真僞如示指掌召東西南北海之人質之而
無疑聚魁奇雄傑閎深敏異之士辨之而不窮據之而有用此其
人之資賦蓋喬嶽翁河之所降生使之續禹書之遺以詔告於天
下萬世則常熟顧祖禹之爲方輿紀要是矣祖禹之創是書也年
自起于下迥有折頓出此句何等鄭重

二十九。乘厥考之遺言。及先祖所爲之地志。九邊之圖說。僻處宛
溪。不交州府。遊歷所至。借書鈔纂。覩記更獲新勝。卽改竄增乙之。
雖十易草不憚。經二十年始成。是書首爲歷代形勢通論。至天文
分野。共百三十卷。祖禹嘗語望曰。歷代之書。世遠年湮。難窮其蘊。
惟覽者能自得其指歸。禹之爲是書也。以史爲主。以志證之。形勢
爲主。以理通之。河渠溝洫。足備式邇。關隘尤重。則增入之。朝貢四
存。諸蠻嚴別。內外風土嗜好。則詳載之。山川設險。所以守國。游觀
詩賦。何與人事。則汰去之。此書之立體者也。其采用之書。自二十
一史。地志而下。凡百十種。是其志之超邁。用力之專勤。而成書之

浩博既無復加矣。乃其意中絕不自矜喜。若身未嘗與其事。望故
○此○又○補○出○其○爲○人○但○所○云○云○恐○未○免○大○過○然○則○革○之○際○實○多○所○待○
尤篤服祖禹之人。其瞻似韓稚圭。智似李長源。德量似裴師德。清
○人○有○目○冰○心○爲○宰○相○器○者○乎○竟○信○之○
操似盧懷慎。寬靜似謝安石。而絕意聲色。不事矯情。奇才博學。似
王景略。雖去桓溫。必不爲苻堅所用。祖禹之人如是。望蓋觀摩朝
夕。陰察其天而得之。惟有其人而後可用。其書有其書而益知其
人之用。大金精魏禧。已備言其書之用。望第述其書與人之本末
如是。天下後世當共見之矣。

魏冰叔曰。盡情盡力之文於其人。其書無毫髮遺憾。並傳不朽
矣。

讀書簡要說序

天下之治亂繫於學術○學○術○二字○一○篇○骨○子○以○下○引○申○過○出○未有學術不素具而足以有爲於天下者也三代而上有學而無術而放桀遷桡居東討叔皆有自然之竅卻曲折赴之以無失天理之正馴至戰國以暨後世之僞儒則有術而無學王文成謂漢唐宋之有大名於世者不過得鄉愿之似而顧命已爲狂嗚呼難言之矣○歸○到○讀○書○且夫學術未有不由於讀書者也秦皇以不讀書愚黔首明太祖以讀書愚黔首仇士良以不讀書愚其君明之奄豎以讀書愚其君○讀○書○愚○其○君○自制藝盛而天下士人之讀書誣進內大鑑編自豎宦而人君之讀書愈誤此積重難反之勢涓

涓○炎○炎○以○有○今○日○詩○書○有○時○而○不○驗○聖○賢○有○時○而○不○信○天○地○鬼○神○
有○時○而○不○靈○俾○俊○傑○利○益○萬○世○之○言○曾○不○獲○一○時○之○用○仁○人○志○士○
爲○之○呼○搶○飲○血○徒○以○其○書○沉○之○井○泥○傳○之○異○代○博○後○世○之○一○喟○鳴○
呼○可○不○謂○大○哀○耶○余○童○年○卽○知○求○友○四○十○年○來○銷○凶○殆○盡○常○與○易○
堂○諸○子○不○自○量○其○力○之○不○及○思○有○以○救○之○救○之○幾○不○免○自○沉○滅○頂○
之○懼○窮○年○兀○兀○自○分○槁○死○不○謂○包○山○有○石○樵○先○生○焉○余○十○年○前○卽○
知○石○樵○自○魏○凝○叔○始○也○丁○巳○夏○石○樵○特○爲○余○命○千○里○之○駕○相○見○拜○
起○視○其○行○事○探○其○學○術○之○所○出○來○與○之○語○生○平○及○天○下○事○聚○旬○日○
而○知○其○托○基○於○讀○書○簡○要○說○三○千○言○事○無○巨○細○遇○無○窮○達○世○無○阻○

說○到○此○哭○笑○俱○俱○二○十○分○

夷與人無智愚賢不肖讀書無古今經史稗雜皆一本於實用實
用者簡要之所自出也而其工非一日之積一人之資一行一官
之庇大之貫穿數千年之成事包六合之內外與風雲雷電喬嶽
滄海互爲翕張細則敝屣收繼綴菽飲水貧豕祝雞一瞬一息一
頃一笑皆有皇帝王伯之故相取於無窮此子琴張桑戶之相與
於無相與莊惠之得之濠上有未易一二爲人言者也於是相與
友齒兄弟如易堂進程山而溫泉天峯北田瑞竹劍江稱朋來焉
石樵自述著是說垂十年遊自滇黔而齊魯而燕於以周知天下
之情僞四方之阨塞形勢不爲不深下迨愚夫婦工質窮氓賤隸

方伎之徒。不爲不久且熟。三四十年間。所經歷戰爭。攻守饋餉。財賦吏治。民生人才之治。忽常變。安危成敗。贏詘損益。得失進退。臧否。何去。何從。何因。何革。石樵固已了然於心。了然於手。而獨不得惜。了然於行與事。則亦姑存是說。以爲名世讀書之法之用。夫後世豈遂無知子雲者哉。抑象山之言曰。我雖不識一字。亦須堂堂還我個人。陽明先生曰。心學不明。識得一字。祇增一病。則至簡至要之法。固無過於立志秉心。臯夔稷契何書可讀。又曰。宰相須用讀書人。是則石樵之微旨也矣。

魏冰叔曰。讀書簡要已被石樵說盡。最難著筆。此更從說之前。

後申邊引仲貫穿言之俱於源頭開發末流補救却無一字複
出令才慧有志力少年得實在下手處洵宇宙大文也

○。魏興士文序

庚戌除夕。易堂諸子遠近各居。行不獲聚。予時僑翠微三十六年矣。是日。猶以南昌故俗。遵臘祀合食。僅得召數少年。食。魏興士獨持咎王崑繩書。請曰。先生其有以益傑。予卽席點定。忻然諾之曰。子嘗欲得吾序子文。今子之文與其志。具見是書。予又奚以益子。是月初子叔父歸自淮陽。文名大震。一時巨公尊宿。或云數百年所未見。人得其篇牘。咸珍異藏。非以爲榮。夫如是。豈直以其文哉。其通體豁露。具見於宗子發文集序。予愛把玩。其爲程穆倩六十字。言閒人有用於世。與孫無言論度量。皆千載絕識。恨古今相臣。

不聞斯言。子之文一乘程叔父有家法。足以取於人而勝於人。求
至於古之立言者。而是書中則又以文章自名。謂柱天地塞古今
者。爲可笑。子近益憂世。欲去家遠遊。因諸父徧識天下賢豪。更請
叔父鐫其文。以求益於世之大人先生。使知其姓名。相推挽。異日
得爲緩急。是又豈直以其文賣名聲於天下。求利祿云爾哉。予嘗
俯仰數千年。當大變成大事。利濟民生多。惟少年是恃。然方其功
名未成。身未任天下之重。必有奇節偉行。自拔於鄉黨。自好之士。
震動天下。天下貴賤賢不肖。惛服欣慕。然後有以動一二老成
之心。而收千萬庸人之望。及其有爲。則識與不識。相與羣起奉之。

其○成○事○也○若○决○千○尺○之○谿○而○注○之○壑○故○上○之○若○張○子○房○徒○手○椎○擊○
萬○乘○雄○暴○之○士○次○若○郭○亮○王○成○秉○鈇○鑕○訟○李○固○艱○危○匿○其○孤○趙○至○
造○次○識○稽○叔○夜○陽○病○狂○走○亡○命○追○逐○若○是○者○不○成○大○功○於○天○下○則○
義○動○當○時○而○名○可○傳○於○後○世○且○夫○子○房○不○徂○擊○大○索○十○日○不○得○則○
圯○上○老○人○必○不○命○之○納○履○而○老○人○得○子○房○猶○必○屢○期○而○後○教○之○然○
後○知○少○年○必○自○有○其○可○受○教○之○理○而○老○成○人○不○輕○教○人○而○曲○而○成○
之○者○固○如○此○也○且○吾○於○子○父○諸○父○堂○中○諸○父○執○少○年○時○有○大○美○惡○
其○聞○之○乎○居○易○堂○日○吾○與○子○叔○父○尤○好○爭○論○古○近○事○往○復○動○聲○色○
粗○厲○丙○夜○呼○叱○童○僕○睡○驚○起○諸○子○中○亦○時○意○氣○互○激○忿○詈○出○惡○聲○

或號哭欲絕交轉盼輒銷亡胷中無毛髮底滯相與勤死生患難
不待號約今子文章爲易堂後來第一而余尤愛是書嵯峨蕭瑟
意所重不特在文故吾爲子終言之也於是夜中燭火燼各退去
晨起爲辛亥率兒子拜先人行主具食滌筆硯卽書以爲興士文
序

魏冰叔曰大言煌煌足以砥礪天下少俊之士而格意推結吞
吐令人玩味不窮

中一段橫空震宕固于人皆見之文而前後意格參差恰好爲
之讓出

○○魏和公南海西秦詩序

魏季子和公居翠微百丈之峯。有兄弟友朋文章之樂。恆鬱鬱不得志。氣憤發無所施。則身之南海。更渡瓊舟。中海風大作。迷失道。同舟人憂恐涕泣。和公則乘月觀海。作渡海詩。既至。值兵變。殺人狼藉。禍洶洶。且不測。則闔戶更爲海南。詩三十首。歸言陳元孝北田諸子之賢。至今未已也。已更築吾廬。雜植花竹果樹。寒暑愛玩。若終老是中。一日。同予冠石。卽席論議。則又之西秦。從皖陞行。經鳳滁道中。州暑雨。日作赤身渡伊水。幾漂溺。自潼關入省。邱邦士於韓城往觀龍門砥柱。激水殊未盡意。直登華山。一日上四十里。

窮其巔。每峯迴路斷。微徑相屬。翕闢。冒洗。叫歎。奇絕。荆州彭荆山。
中、間、來、爲、其、得、人、處、仍、能、至、此、出、聘、
居華山絕險處。和公手鐵索造焉。爲設食。勞苦深。語竟日。結知己。
別去。中州悅梁以道。許宏羽。李含章。遲軒公。劉湖水。漫不能待。穎
州僧舍友張含萬。途遇定興鹿太常孫密觀。並騎交語。道蘇門孫
鐘元年八十六。隱居授徒。管千人。及保定彭餓夫死。嘯臺事。歡喜。
感激。誤觸道旁棗。墮驢足。絰銳。驢驚逸。碎首血出。傷數處。裂衣裹。
傷復行。獨恨未及見富平二李生。已給乘訪李中悅。病大作。裁書
倩粵葛寄之。李天生遠出。客陳祺公所。西行五閱月。共得詩近體
五言百三首。登華山及東歸雜詠若干首。錢虞山常盛推徐霞客。
後半以古近人比

善遊徧五嶽窮懸幽險西蜀登峨眉紆迴異域探崑崙河源著書
盈抱嘗急虞山難省漳浦黃先生於閩黃先生亦向予亟稱其人
然竟死終不得草莽一二奇士徒周旋名公卿間何足道謝靈運
耽癖奇勝每從數百人伐山開道然皆發憤所爲使宋文帝肯柄
用登之宰輔奇興頓盡而秦帝韓公之詩可無復作种放爲母焚
筆硯入東明峯轉徙窮僻母公驟貴被隆遇晚更飾輿服家人斥
田產手攜郡判視爲樵夫拜希夷庭下時辱華山甚季子以一貧
儒生恆舉債遊涉萬里蟬蛻死生視海嶽如庭戶敝車羸馬笑哭
賦詩有爲無爲憂天憂人交有之令復有一季子覽其詩以論世

知其人。堅栗浩蕩。性則有然。不可得而馴矣。

魏冰叔曰。字字句句。拔起聳立。險秀異常。分明是一幅華山圖也。文無波瀾。無轉折。却以峯巒爲波瀾。起頓爲轉折。嘗論文有得水分者。有得山分者。子瞻水分爲多。故波瀾動盪。退之山分爲多。故峯巒峭起。此敘亦是山分文字。○又嘗論古樂府。以跳脫斷缺爲古。是已細求之。語雖不倫。意却相屬。但章法妙。人不覺耳。然竟有各成一段。上下意絕不相屬者。却增減他不得。倒置他不得。此是何故。蓋意雖不屬。而其節之長短起伏。合之自成片段。不可得而亂也。語不倫而意屬者。譬如複岡斷嶺。望之

各成一山。察之皆有脊脈相連。意不相屬。而節屬者。譬如一林。
亂石。原無脈絡。而高下疎密。天然位置。可入畫圖。知此者可與。
讀此文矣。

文奇而評尤妙。索解人不易得矣。

黃維緝進士五十序

科名者救時持世之具。代天工以利濟斯民者也。其始亦猶夫民耳。以掄升其秀異。爲之車服。以庸之物采。以章之。跪拜走趨。呵呼傳導。笞挾刑戮。薦達連茹。聽其意指而張弛之。而古今安焉。而不遷者。以爲不如是。則無以一其權。而神明其用。其得之者亦必出有爲而退有守。不敢以崇高自便其私圖。終身汲汲。惟恐弗逮。如是而始可謂不負科名之人。其遠者不可得論矣。有明盛時。士不恥不爲貴人。恥不爲學人。尤不恥以貴人爲學人。而師於賢人。是故以陳獻章湛若水師吳康齋方獻夫席書南大吉師王陽明。其

時獻夫書位皆在陽明上。康齋一老布衣。獻章若水。既舉於鄉。成進士。不恥相師。而大吉則以座主。及師門人。昔之人道之所在。能忘其分。如此。後此未百年。甲利益尊。擬於天帝。其力足以榮人。辱人。生人。殺人。而天子之生殺榮辱。不過爲甲科飾喜飾怒之用。展轉醖激。其足以生殺榮辱乎。甲科者一出於奄豎盜賊。而甲科亦有所不辭。嗟乎富貴之驕人久矣。驕生愚。愚生巧。巧生陋。其於古今之事。變治亂之樞機。茫乎其未有聞。一旦起而當大難之衝。駭顧傍徨。但圖規仰。於是天下事有不忍言者矣。向之嚴若天神者。或下同於草芥。徒爲世所訾訾。豈非不學自大。實不至而名榮其。

患○至○於○此○耶○夫○士○大○夫○之○賢○不○肖○視○師○友○之○多○寡○其○師○友○之○賢○否○
天○下○之○安○危○世○道○之○汙○隆○於○是○乎○係○予○行○年○六○十○耳○日○及○以○進○士○
師○布○衣○者○惟○南○豐○黃○子○維○緝○一○人○且○黃○子○無○行○不○與○俗○異○其○事○親○
孺○慕○則○嬰○兒○子○家○食○時○斷○炊○乞○貸○以○養○則○孀○人○知○戚○宗○族○之○至○殫○
力○質○借○必○盡○歡○禮○則○素○封○君○均○邑○賦○條○利○病○爲○人○排○難○解○紛○煦○嫗○
耐○羣○碎○不○遺○餘○力○邑○之○人○恃○以○爲○命○則○慈○母○無○疾○言○倨○色○布○衣○循○
循○行○道○路○日○中○則○賤○弱○士○爭○是○非○曲○直○義○所○不○可○不○撓○權○貴○家○極○
貧○久○可○得○祿○養○竟○辭○不○一○顧○則○勇○夫○胷○中○從○不○萌○機○械○事○或○給○之○
則○受○忿○許○無○禮○無○所○報○則○赤○子○而○其○事○程○山○先○生○常○與○及○門○之○最○

幼者旅進退。朔望四拜。侍食起饋。唯諾步趨。惟謹。則童蒙幼學。方
白沙之事。聘君年甫二十七。朱子亦二十四。往事延平。其事至今
稱之不數見。此猶其少者耳。黃子三十八爲進士。又六年始師程
山先生。程山先生僅長黃子六歲。而黃子母夫人八十有七。告養
者。且十年。今辛亥。黃子年五十。抱二孫矣。黃子不自知其爲貴人。
爲父與祖爲邑之長老。薦紳先生日兢兢謹弟子之節。惟靡及是。
懼語曰。是亦爲政。孟子曰。五十而慕者。予於大舜見之。今予於黃
子見之矣。甚矣學之不可以已也。黃子之長子國望。爲余門人。是
日必集程山少長與邑之賢士大夫爲而翁壽。其或張子言於庭。

以質之有信焉者乎。則亦於甘子之言聊引伸焉爾矣。

魏冰叔曰。只從進士二字。便發揮出徹天徹地之論。如撞萬石鐘。噌吰鞀鞀震發。彈韻而側出斜連。尤見章法。

以甲科逾壯之年。而師事布衣爲空谷足音。宜其有此嗟歎。不知在前輩則尋常事也。其後湯潛庵先生以監司師孫徵君爲一代大儒。則尤奇矣。

○首山濯樓記

首山亦庵中于公。卽陶庵之舊。爲大悲閣。閣傍爲樓。以居其本師。墨厯老人。老人安之。名曰濯樓。名退寢之室曰臥聽。爲詩紀之。以治浪自況。先啓顧問。滿次公爲陶庵。雜蒔林木。引水灌湖。週迴數里。與其兄伯玉先生春浮相望。乙酉亂作。殘於兵。丙戌始迎申公。居之。草創爲亦庵。未幾次公歿。諸子孟昉與其弟小翮繼先志。護中公構繕。庵日以大。癸卯老人始至。顧而樂之。時方主青原。不能分席。中公特爲斯樓。爲老人歸休之地。老人旣退院。歸亦庵。辛亥春已。諏日移居濯樓。前三日難作。冬十月老人野死。萬安是臘。予

哭老人於亦庵影堂中。中公方篤疾。爲強起。肅揖拱手。向予曰。先師稱公濯吾耳。不圖今始得見。予病甚。敢以濯樓記累公。令生見之。先師不死矣。同行王子若先導。予遊。避園陶湖。登濯樓。俯仰歎息。且言曰。中公爲斯樓。以待老人。一椽一桷。皆出經營。功頗鉅。間老人難作。矢以死。白其志。詎老人終不得一日居所。謂濯樓者可哀矣。夫大地建帝王國都。經理兩大戒。後乃湮滅。至不能保有子孫。其生平所親愛榮寵之臣妾。或轉盼不相顧。舍而他之。身死。倉不及備。含殯浮屠氏之學。以因緣爲偶。值寂滅爲樂。事捐愛染。斷妻子鬚髮。而其人乃未免有情。服勤其師。不敢愛其死。而無悔。

之吾儒。會不易見。若中。公可感矣。於師友存亡盛衰之際。久而益堅。病而益勇。窮而益厚。嗚呼。老人爲得人矣。且夫老人自庚辰爲勞人窮子。爲刀環上人。爲羈囚。爲孤旅。爲逋客。爲僧。爲老病。以至於死。展轉於破巢。蝨窟。蠻煙瘴霧。天荒。丐食。僵骨。腐齒。鼎俎。風濤。口語。文章。之重淵。曲弁。曾不能一日安其身。以有生人之樂。近十年。托跡青原。勤開示。爲炮莊烹雪。出入儒釋。以徜徉於山水泉石雲樹之間。乃蜚語中之自天而下。怡然行素。不爲恇撓。而卒以疽發於背。觸暑載馳。終焉致命。此蓋天欲天下後世人知其如此而生。如此而僧如此。而死爲之流連涕洟。悲吟思慕。互相淬厲。卽五

雲一步地。猶得與廬陵古道相望。顏色。日夕聞惶恐。灘聲。灑滌。志氣。以不沒。勞人於地下。亦豈必安禪示寂。以終斯樓之爲愉快也。補點名、字、可、作、塔、銘、哉。墨歷老人者。於高座爲無可。浮廬爲藥地。廩山壽昌爲木立寺。原爲愚者。桐城爲方密之先生。乙酉丙戌間。爲吳石公。最後西昌爲墨歷。方子哭老人。櫬孤中履。授子遺詩一帙。予讀其流寓。奔訊瞻。昊自序流離諸篇。惘惘不自得。今復爲濯樓記。歸之中公。以答中公之意。若夫樓居川觀之美。湖山皋林陂澤之盛。已見諸蕭氏及遊觀之言。此不復云。

密之先生過於好奇如此。結局亦大可哀。文極力爲之排解。一

氣直貫十三行

○九牛壩觀角觝戲記

樹廬叟負幽憂之疾於九牛壩茅齋之下。戊午閏月除日有爲角觝之戲者。踵門告曰。其亦有以娛公叟笑而領之。因設場於溪樹之下。密雲未雨。風木冷然。陰而不燥。於是鄰幼生周氏之族之賓之友。戚山者牧樵耕者犁犢行擔簦者水桴楫者咸停釋而聚觀焉。初則累重案一婦仰臥其上。豎雙足承入歲兒。反覆臥起。或鵠立合掌拜跪。又或兩肩接足兒之足。亦仰豎伸縮自如。間又一足承兒。兒拳曲如蓮出水狀。其下則二男子一婦一女童與一老婦鳴金鼓。俚歌雜佛曲和之。良久乃下。又一婦登場如前臥豎承一

五小段皆依陳宇舍婦字習字

案旋轉周四角。更反側背面承之。兒復立案上。拜起如前儀。兒下。則又承一木槌。槌長尺有半。徑半之。兩足員轉。或豎拋之。而復承之。婦旣罷。一男子登焉。足仍豎承。一梯可五級。兒上至絕頂。復倒豎穿級而下。便是用人意。文之法至此亦宜小頓。豎穿級而下。叟憫其勞。令暫息飲之酒。其人更移場他處。擇草淺平坡地。去瓦石。乃接木爲橋。距地八尺許。一男子履其上。傅粉墨。揮扇雜歌笑。闊步坦坦。時或跳躍。後更舞大刀。回翔巾節。此戲吾鄉暨江左時有之。更有高丈餘者。但步不能舞。最後設軟索。盡丈許。長倍之。女童履焉。手持一竹竿。兩頭載石。如持衡。行至索盡處。輒倒步。或仰臥。或一足立。或偃行。或負竿行。如擔。或時墜挂。復躍。

起下鼓歌和之說自俱有名目為時最久可十刻女下婦索帕蒙雙
 目為瞽者歌番躍而登作盲狀東西探步時跌若墜復搖晃似戰
 懼久之乃已仍持竿石加重蓋其衡也方登場時觀者見其險咸
 為股栗毛髮豎目炫暈惴惴惟恐其傾墜叟視場上人皆暇整從
 容而靜入歲兒亦齋慄如先輩主敬如入定僧此皆誠一之所至
 而專用之於習慘澹攻苦屢蹉跌而不遷審其機以應其勢以得
 其致力之所在習之又久至精熟不失毫芒乃始出而行世舉天
 下之至險阻者皆為簡易夫曲藝則亦有然者矣以是知至巧出
 於至平蓋以志凝其氣氣動其天非鹵莽滅裂之所能效此其意

莊○生○知○之○私○其○身○不○以○用○於○天○下○儀○秦○亦○知○之○且○習○之○以○人○國○戲○
私○富○貴○以○自○賊○其○身○與○名○莊○所○稱○僚○之○弄○丸○庖○丁○之○解○牛○偃○仰○之○
承○蜩○紀○省○子○之○養○雞○推○之○伯○昏○瞽○人○臨○千○仞○之○蹊○足○遠○巡○垂○二○分○
在○外○呂○梁○丈○人○出○沒○於○懸○水○三○十○仞○流○洙○四○十○里○之○間○何○莫○非○是○
其○神○全○也○○四○段○虛○寫○習○字○點○晴又○以○視○觀○者○久○亦○忘○其○爲○險○無○異○康○莊○大○道○中○與○之○
以下俱伏用字俱○化○甚○矣○習○之○能○移○人○也○其○人○爲○叟○言○祖○自○河○南○來○零○陵○傳○業○者○
三○世○徒○百○餘○人○家○有○薄○田○頗○苦○賦○役○攜○其○婦○與○婦○之○娣○姒○兄○之○子○
提○抱○之○嬰○孩○餬○其○口○於○四○方○贏○則○以○供○田○賦○所○至○江○浙○西○粵○滇○黔○
口○外○絕○徼○之○地○皆○步○檐○器○具○不○外○貸○諳○草○木○之○性○拮○據○續○食○亦○以○

哺其兒。嬰視其人衣敝。組飄泊。羈窮陶然。有自樂之色。羣居甚和。適男女五六歲。卽授技。老而休焉。皆有以自給。以道路爲家。以戲爲田。傳授爲世業。其肌體爲寒暑風雨冰雪之所頑。智意爲跋涉艱遠人情之所做。怵磨厲男婦老穉皆頑鈍。儼敏機利捷於猿猱。而其性曠然如麋鹿。嬰因之重有感矣。先王之教久矣。夫不明不作。其人恬自處於優笑巫覡之間。彼固自以爲戲。嬰獨以爲有所用字。用固哉。王介甫謂雞鳴狗盜之出其門。士之所以不至患不能致。雞鳴狗盜耳。呂惠卿輩之諂謾。曾雞鳴狗盜之不若。雞鳴狗盜之出其門。益足以致天下之奇士。而孟嘗未足以知之。信陵燕昭知。

國朝文獻
之所以收漿博屠者之用千金市死馬之骨而遂以報齊怨宋亦
有張元吳昊雖韓范不能用以資西夏甯無復以叟爲戲言也悲
夫

曾止山曰極小題發出許大道理作用總是叟胷中蘊結沉痛
隨地涌出遇物肖形不覺成此一篇絕奇文畱爲識者歎惜耳

書歐陽子十交贊後

嗚呼此匹友歐陽子十交贊也。歐陽子名斌元字憲萬晚號麗峯居士新建人世居西山家貧幼奇慧讀書目十行下終身不忘。三經史鑑俱成誦無一遺者童子郡試第一試題非帷裳必殺之篇中尺度服色靡不畢載文出爭傳寫傾一郡爲諸生受知蔡公懋德侯公峒曾二學使以國士禮之而同邑姜公曰廣清江楊公廷麟尤相推重楊公嘗稱之曰憲萬奇才博學景略流亞非常人也斌元生平師多於友每學一藝卽下拜師事稱弟子必盡得其傳嘗師事西洋士學銃天文日月食測量數諸法仍易名就壇事

耶蘇隨邨市人後瞻禮誦經忍饑竟日人或譏議之笑謝不爲止其學舍在許旌陽拔宅地往來遊涉多異人斌元恆物色之雖疥癩齷齪行乞輩語有得卽叩頭稱弟子同寢食畱旬月不舍去師最異者爲陝西道士許雲房同露坐雲房仰瞻乾象歎曰河鼓星曲縮失度朔方當失大將天下自此亂矣更以易學授斌元遂去俄劉杜二將軍果戰歿丁丑始與樂平王綱南昌彭士望交齒兄弟妻子皆出見饋食二人出則一人居守有無通共知天下將亂尤加意人才務實學恥事章句每論古今事輒達旦以爲常勉德業規切過失稍不順詬斥幾欲撻責後更交貴池方嘉渭句容朱

議。二人皆師事斌元爲門人。甲申國變。總督呂公大器爲南左
司馬。延之同行。南都初建。時宮府百度革創。館閣部寺諸大僚。求
知習典故者。咸推斌元。常公會斌元。角巾野服。南面立。諸大僚。緋
玉左右陪侍。以次奉旨撰勅詔。拱手言曰。某事行某地。惟先生起
草。斌元則高坐據案。疾書授之。已於事而竣。如是者五日。望聞之
寓書曰。君生平學問。稍得展用。然靈氣發盡。不生自歎。晦容可繼
乎。後爲呂公草二十四大罪疏。特糾馬士英。士英探知。出斌元手。
衛刺骨。呂公辭官歸。士英將伏兵遮劫之。用斌元計。出閒道。乃免。
斌元懼禍。不敢歸。就督師史公。可法於淮陽幕府。先是。綱從史公。

招徠高傑復攝政國書俱出綱手○陳○楊○關○胡○閻○人○某○手○躬○履○同○在○格○中○當○得○其○實○綱奉差出斌元續至公待以殊

禮事無巨細俱斌元贊決之復招士望至士望以奇策進史公請

○此○時○舍○此○則○無○他○著○也○

○此○時○舍○此○則○無○他○著○也○

○此○時○舍○此○則○無○他○著○也○

興晉陽甲用高左夾攻除君側之惡公駭曰君年少氣銳果爾得

為純乎斌元曰純字始見於易經乾卦剛健中正純粹精此第五

字公尚未剛健乃言純耶史公自是心憚兩人不敢用其言及守

白洋河斌元更進金盤算子公大服曰歐陽憲萬無一不妙軍中

嘗同榻公側身外臥晨興輒低聲言動恐驚其寢然卒未嘗用其

言特為書薦斌元推官贊畫士英持之報聞斌元亦辭不就是年

四月同士望歸山居後諸方起者交薦要職以母老辭益堅已止

幽憂病鬱卒年四十四無後時士望居贛南相去千里踰年始得
計。祥。赴。書。籍。及。生。平。遺。藁。俱。散。失。無。復。存。者。僅。得。其。十。交。贊。一。篇。
憶。斌。元。作。贊。時。笑。曰。今。交。道。絕。矣。我。輩。交。友。視。此。條。例。各。以。類。從。
我。無。浚。求。彼。得。恰。受。不。苛。不。濫。不。亦。善。乎。望。年。踰。七。十。益。衰。恐。旦。
暮。死。而。斌。元。行。事。姓。名。漸。次。湮。沒。因。錄。示。同。人。爰。述。其。生。平。行。誼。
問。學。方。略。出。處。附。書。紙。尾。俟。來。者。想。見。大。概。慰。匹。友。於。地。下。而。交。
道。亦。不。無。少。有。裨。益。此。卽。歐。陽。子。天。倫。意。氣。寄。托。之。言。爲。有。用。而。
見。諸。行。事。之。深。切。著。明。也。其。亦。有。感。於。斯。言。者。乎。

歐陽子十交贊原文

一天倫

耳○目○手○足○缺○一○不○可○相○視○而○笑○孰○知○彼○我○

二意氣

視○死○如○歸○分○財○如○寄○彼○君○子○今○一○無○所○爲○

三寄托

我○作○和○羹○恃○子○梅○鹽○我○無○舟○車○子○則○後○先○

四遙契

千○載○上○下○六○合○內○外○聞○聲○相○思○如○見○衣○帶○

五講業

兩澤相麗。是名曰兌。子臧子嘉。我黻我佩。

六方外

青蓮白鶴。寥廓無主。水流花開。倡予和汝。

七詞章

蘇黃韓柳。各求其偶。子與有言。以文會友。

八遊藝

大娘舞劍。海客授方。鉛松怪石。萬里同堂。

九因緣

爭襟酒食。傾蓋阡陌。在需上爻。不速之客。

十萍聚

偶然雲蒸偶然雨散相逢亦樂勿云萍渙。

鼎革之交多奇傑之士吾鄉自易堂程山髻峯外湮沒者尤多
世有好古多情而錄遺民者庶幾諸老之生平尙約畧見其
一二也若歐陽憲萬與王綱鄉人不知其姓名久矣可勝慨哉

○。甘衷素字說

已酉春三月二日、吾友甘健齋之長子表、生十六年而冠、予既賓而冠之矣、甘子請曰、古者男子既冠而字、惟先生字之、予作而應曰、表亦聞萬歷之季、天啓崇禎之間、士多負大名於世、初仕起家爲令、爲理官、或選爲庶常中博、鮮不重名節、不愛一錢、聽訟聰察、摘發若神、比入爲臺諫、或待次爲坊、則益刻厲、立殿陛、與天子宰相爭、是非無少撓曲、卽拜杖詔獄、亦有所不顧及、踐歷開府台司、公孤卿貳外、示儉約、持風裁、內漸發露、始復畱意田宅、好女子孫、他日之計、遇國家艱大事、輒規御、不欲爲、以爲吾今日去已不失。

爲顯官優游餘歲吾門生故吏徧布海內卽家居猶盛氣勢此自
其爲童子諸生時聰明才辨爲耆碩所引拔私相浸灌益習爲強
滑議朝政持當途要害公卿畏其口莫不倒屣到門已赫奕爲名
士踐歷樞要幸寧沒盛平之世其聲猶足以冒天下之庸人顯稱
羽而陰私慕法而不知其中之所挾持當其外立名義政聲爛然
之時已判殊如圭璋之不可合其用心若淵所以蒙主上誤民生
欺天下後世者僅足以賣一己之聲名而神明齷齪本實傾邪恆
恫怨於鬼神或造次見羞於妻妾馴至甲申之變取帝后及所有
之天下而送之而已所爲田宅好女子孫遠久之計亦蕩析而靡

遺令及見之不無悔艾而後之幸脫而繼起者猶染其心傳而未
有已也此不亦修飾其外而藏垢其中者之彰明較著者乎表今
冠當出門履錯之初其平日講貫於父師誦習於古往者於善惡
影響言行樞機之故必聞之既熟而予獨發輓近百餘年間人華
士之隱以爲表元吉之始秦之庭懸照膽之鏡以知其人忠邪古
神醫亦必有隔垣之視以審其腠理溫涼虛實之所在人之心隱
重隔而莫窺亦復揭日月而無可遁惟坦然潔白人皆見之則凡
言行之背馳聲勢之苟得必有所畏恥而不屑而後此之盛德大
業猶繪事之於素未有不由此者也爰命表字衷素以復於甘子

爲之說。

魏冰叔曰此文出天雨粟鬼夜哭矣。弱庵少壯時周旋名公卿間。比出仕宦閱歷多故。皆身親受祕密。藏迨後竄伏。痛定思痛。故言之真切。微妙如此。連所著贈黃維縉五十內省齋文集祝工科奏疏諸序。聚觀融液。乃得之。其送王若先序與方素北書。則又皆切實下手補救處。有心人當彙作一篇文字讀。未必不可少持世道挽救科名也。

此與魏叔子續續朋黨論一例。刻醅而千回百轉。只用一筆寫出。尤奇。